

Na osnovu čl. 4.2, 4.7. i 7. Zakona o prijenosu, regulatoru i operatoru sistema električne energije u Bosni i Hercegovini ("Službeni glasnik BiH", br. 7/02, 13/03, 76/09 i 1/11), člana 33. Poslovnika o radu Državne regulatorne komisije za električnu energiju ("Službeni glasnik BiH", broj 2/05), čl. 3., 6. i 8. Pravilnika o izdavanju privremenih licenci za obavljanje djelatnosti distribucije i snabdijevanja električnom energijom u Brčko Distriktu Bosne i Hercegovine, broj: 05-28-12-009/11 od 12. januara 2011. godine, Državna regulatorna komisija za električnu energiju, na sjednici održanoj 19. januara 2011. godine, donijela je

ODLUKU

O IZDAVANJU PRIVREMENE LICENCE ZA DJELATNOST DISTRIBUCIJE I SNABDIJEVANJA ELEKTRIČNOM ENERGIJOM U BRČKO DISTRIKTU BOSNE I HERCEGOVINE

1. Izdaje se privremena licenca Javnom preduzeću za komunalne djelatnosti "Komunalno Brčko" d.o.o., Brčko Distrikt BiH za obavljanje djelatnosti distribucije i snabdijevanja električnom energijom na području Brčko Distrikta Bosne i Hercegovine.
2. Privremena licenca iz tačke 1. ove odluke izdaje se za period od 19. januara 2011. godine do 18. januara 2013. godine.
3. Sastavni dio licence su Uvjeti za korištenje licence za obavljanje djelatnosti distribucije i snabdijevanja električnom energijom.
4. Ova odluka stupa na snagu danom donošenja i bit će objavljena u "Službenom glasniku BiH", službenim glasilima entiteta i Brčko Distrikta Bosne i Hercegovine.

Obrazloženje

Shodno Odluci o osnivanju javnog preduzeća "Komunalno Brčko" d.o.o., Brčko Distrikt BiH ("Službeni glasnik BD BiH", br. 20/07, 21/07, 24/08 i 33/09), "Komunalno Brčko" d.o.o., Brčko Distrikt BiH (u daljem tekstu: Komunalno Brčko ili podnosilac zahtjeva) dužno je omogućiti distribuciju električne energije, te vršiti snabdijevanje korisnika sistema i kupaca električnom energijom na svom području djelovanja, sve u skladu sa dozvolom DERK-a.

U skladu sa članom 7. Zakona o prijenosu, regulatoru i operatoru sistema električne energije u Bosni i Hercegovini ("Službeni glasnik BiH", br. 7/02, 13/03, 76/09 i 1/11 – u daljem tekstu: Zakon o prijenosu) za obavljanje ovih aktivnosti Komunalno Brčko dužno je pribaviti licencu DERK-a prema uvjetima, kriterijima i procedurama koje odredi DERK.

Zahtjev Komunalnog Brčko, sačinjen na propisanim obrascima, sa podacima, informacijama i relevantnim dokumentima, podniet pod brojem: 05-28-12-017/11 od 17. januara 2011. godine, rješavan je po odredbama Pravilnika o izdavanju privremenih licenci za obavljanje djelatnosti distribucije i snabdijevanja električnom energijom u Brčko Distriktu Bosne i Hercegovine, broj: 05-28-12-009/11 od 12. januara 2011. godine, i Pravilnika o licencama ("Službeni glasnik BiH", broj 38/05), po skraćenom postupku, bez provođenja javne rasprave, a po Termin planu aktivnosti utvrđenom Zaključkom, broj: 02-28-357-1/10 od 5. januara 2011. godine, i uz znanje i saradnju podnosioca zahtjeva.

Nakon provjere svih tehničkih, pravnih i finansijskih mogućnosti podnosioca zahtjeva, uvažavajući realnost i okolnosti da je djelatnosti distribucije i snabdijevanja električne energijom za teritoriju Brčko Distrikta BiH obavljao u uvjetima nepotpune regulative u ovoj oblasti, da je posebnom odlukom uspostavljen kao pravno lice koje se bavi elektroenergetskim djelatnostima u Brčko Distriktu BiH i da mu se izdavanjem privremene licence omogućuje bavljenje registriranim djelatnostima u jedinstvenom elektroenergetskom sistemu BiH kao licenciranom subjektu, imajući u vidu posebnosti podnosioca zahtjeva u

početnom periodu funkcioniranja u kojem će biti postepeno osposobljavan da odgovori svim zahtjevima vlasnika licence određenim Uvjetima za korištenje licence, te u skladu sa proširenim ovlaštenjima Državne regulatorne komisije za električnu energiju u pogledu regulacije pitanja koja treba da osiguraju odgovarajuće snabdijevanje Brčko Distrikta BiH električnom energijom, odlučeno je kao u dispozitivu ove odluke.

U skladu sa članom 9.2 Zakona o prijenosu, protiv ove odluke može se pokrenuti postupak pred Sudom Bosne i Hercegovine podnošenjem tužbe u roku od 60 dana od dana objave ove odluke.

Broj: 05-28-12-017-1/11

19. januara 2011. godine

Tuzla

Predsjedavajući Komisije

Mirsad Salkić